

DJI VOS L' DI...

Li scoladje do walon, tos lès djwèdis,
Yût rèches mwès di tracassantès lèçons
Mèritenu bin saquants bons mots èn'don !
Si télemint qui l' dame què l' done nos-afranki ;

Dji vos l' di...

Todi n'ètinde èt n' choûter qu' sès paroles
Qu'ènnè vont, ragadeléyes aviè lès minmes,
Dins l' roviadje, li r'nonçadje di swè-minme
Èt spaurder s' timps sins sondjî al glôriyole ;

Dji vos l' di...

Viker s' lèçon on djwèdi après l'ôte
Dins l'èspwêr di veûy disclôre dès djaurnons,
Pwarter l' minme pwèd au d' dilong dès saïsons
Dol rude bèsogne d'one planète d'apôte ;

Dji vos l' di...

S'oblidjî à d's-èfôrts sins wêre di sclat
Qui l'élève ôrdinaîre ni vwèt d'dja nin,
Yèsse dame di scole, ç' n'èst nin rin,
Lèye qui prend dins s'-t-oteléye tos nos tracas ;

Dji vos l' di... mins auroz por vos l' sècrèt...

Tofêr pontieûse di coridjî nos fautes
Èt d'ner s' mèyeû sins cârculer s'-t-èfôrt,
Apwarter à sès-élèves on grand supôrt,
Sèmenut à s'-t-insut' saquants poutes.

Pierre Lazard